



South West and Mid Wales Consortium Consortiwm De-orllewin a Chanolbarth Cymru

Making Connections Creu Cysylltiadau

Canlyniad 1: Cynllun Gweithredu Thematig 2007-2010

1. Cyfeiriad Strategol a Meithrin Gallu

Mae'r adran hon yn y Cynllun Gweithredu Thematig yn ymwneud â phennu cyfeiriad strategol gwaith y consortiwm a meithrin gallu er mwyn cyflawni gwaith y consortiwm.

Byddwn yn sefydlu strwythur a phroses lywodraethu effeithiol ar gyfer gwella ansawdd yn barhaus i feithrin gallu ar draws y Consortiwm drwy ddatblygu gwaith y consortiwm sy'n arloesol, yn hyblyg ac yn ymatebol.

- 1.1 Byddwn yn sicrhau bod arweinyddiaeth a rheolaeth strategol effeithiol o waith y Consortiwm a fydd yn rhagweithiol, yn hyblyg ac yn ymatebol i newdidiadau addysgol ac Agenda'r Plant ac sy'n canolbwyntio ar y canlyniadau allweddol ar gyfer pob plentyn a pherson ifanc mewn ysgolion a lleoliadau addysgol.
Cyfeiriad Strategol
- 1.2 Byddwn yn cefnogi adolygiad a datblygiad y gwasanaethau gwella ysgolion ar draws y consortiwm i feithrin gallu a datblygu partneriaethau i gefnogi gwella ysgolion a chynhwysiad ar draws y consortiwm.
Gwasanaethau Gwella Ysgolion
- 1.3 Byddwn yn ystyried dichonoldeb gwasanaeth Consortiwm ar gyfer gwasanaeth Adnoddau Dynol ysgolion ymroddedig a chaffael prydau ysgol ar y cyd.
Swyddogaethau Cefn Swyddfa
- 1.4 Byddwn yn ymchwilio i safonau ar draws y Consortiwm ymhellach, yn datblygu data perfformiad ysgolion, yn meincnodi, yn rhannu data cyllid ac yn adolygu'r posibilrwydd o sefydlu uned ddata'r Consortiwm.
Gwasanaethau Data

2. Datblygu'r Gweithlu

Mae'r adran hon yn y Cynllun Gweithredu Thematig yn ymwneud â datblygu adnoddau dynol ar draws y Consortiwm: gwasanaethau cynghori, arwain ysgolion, datblygiad proffesiynol, ailfodelu'r gweithlu a rheoli perfformiad.

Byddwn yn ceisio datblygu'r gweithlu ar draws y Consortiwm; personél ysgolion, personél awdurdod lleol a phersonél sy'n ymwneud â gwaith y consortiwm drwy gyfleoedd datblygiad proffesiynol a rheoli perfformiad sy'n seiliedig ar godi safonau cyrhaeddiad a chyflawniad yr holl blant a phobl ifanc.

- 2.1 Byddwn yn datblygu cyfleoedd ar gyfer datblygiad proffesiynol ar gyfer athrawon, arweinwyr canol a phenaethiaid drwy gyfleoedd rhwydweithio, cyrsiau byr, hyfforddiant achrededig a rheoli perfformiad.
Penaethiaid ac Athrawon
- 2.2 Byddwn yn datblygu cyfleoedd datblygiad proffesiynol ar gyfer cynorthwywyr addysgu a hyfforddwyr dysgu drwy gyrsiau byr, rhaglenni hyfforddi ac asesu achrededig ar gyfer statws proffesiynol cenedlaethol.
Staff Cefnogi
- 2.3 Byddwn yn datblygu cyfleoedd ar gyfer datblygiad proffesiynol staff sy'n gweithio yn yr awdurdod lleol ac yng nghyd-destun gwella ysgolion y consortiwm drwy gyfleoedd rhwydweithio, cyrsiau byr, hyfforddiant achrededig a phennu safonau ar gyfer gweithwyr proffesiynol gwella ysgolion y Consortiwm y cytunwyd arnynt.
Staff Ymgynghorol a Gwella Ysgolion yr Awdurdod Lleol

3. Cyngor, Cefnogaeth a Her

Mae'r adran hon yn y Cynllun Gweithredu Thematig yn ymwneud â'r Cyfnod Sylfaen, Llwybrau Dysgu 14-19, gorchmynion Cwricwlwm 2008, Cynllunio Pontio, Ysgolion yn eu Cymunedau, Cynhwysiad ac AAA, Agenda'r Plant, Gwasanaethau Cerdd ac Addysg Awyr Agored

Byddwn yn darparu cyngor, cefnogaeth a her i ysgolion ac Awdurdodau Lleol mewn meysydd y cytunwyd arnynt i godi safonau, noddi arloesedd a sicrhau newid trefniadol

- 3.1 Byddwn yn rhannu gwybodaeth am ddatblygu Ysgolion yn eu Cymunedau ar draws y Consortiwm ac yn ymchwilio i brosiectau arloesol mewn mannau eraill. Byddwn hefyd yn rhoi strategaeth ar waith sy'n cynyddu ymwybyddiaeth o Ysgolion yn eu Cymunedau ac yn hybu eu datblygiad.
Ysgolion yn eu Cymunedau
- 3.2 Byddwn yn rhannu arfer, yn datblygu atebion a rennir ac yn meithrin gallu i ymateb i Agenda'r Plant.
Agenda'r Plant
- 3.3 Byddwn yn datblygu cynllun gweithredu i gyflwyno datblygiad proffesiynol a chefnogi'r Cyfnod Sylfaen.
Cyfnod Sylfaen
- 3.4 Byddwn yn gweithio fel Consortiwm i fynd i'r afael ag anghenion datblygiad proffesiynol sy'n ymwneud â gofynion y cwricwlwm newydd gan gynnwys y pynciau Sylfaen. Byddwn hefyd yn gweithredu ar yr ymchwil a gynhaliwyd ar safonau ar draws y Consortiwm i gael effaith gadarnhaol ar gyrhaeddiad disgyblion mewn pynciau a dargedwyd ym mhob cyfnod allweddol.
Cwricwlwm Newydd
- 3.5 Byddwn yn rhannu gwybodaeth am roi'r Cynlluniau Pontio Statudol ar waith, sefydlu systemau a phrotocolau i fynd i'r afael â materion o weithio ar draws ffiniau, a chydweithio i ddatblygu'r fframwaith sgiliau allweddol o ran pontio rhwng cyfnod allweddol 2 – 3.
Pontio
- 3.6 Byddwn yn rhannu gwybodaeth am sgiliau allweddol a'r Craidd Dysgu, ac yn cyflwyno rhaglen datblygiad proffesiynol achrededig ar gyfer Hyfforddwyr Dysgu.
Addysg 14-19
- 3.7 Byddwn yn mynd i'r afael â sawl rhwystr/materion ffiniol sy'n effeithio ar blant ag anghenion addysgol arbennig. Byddwn hefyd yn datblygu ymagweddau ar y cyd mewn meysydd allweddol, ac yn rhannu gwybodaeth am ymagweddau cyfredol.
Cynhwysiad/ AAA
- 3.8 Byddwn yn cydlynu monitro a gwerthuso adnoddau Grant RHAGORI.
RHAGORI
- 3.9 Byddwn yn cefnogi rhwydweithio ar Addysg Awyr Agored ar draws awdurdodau, yn lledaenu arweiniad cenedlaethol newydd, yn cydlynu hyfforddiant ac yn monitro ansawdd a diogelwch.
Addysg Awyr Agored
- 3.10 Byddwn yn cydweithio ar draws Awdurdodau i ddarparu rhaglenni DPP ar y cyd, gan wella cyfleoedd i berfformio, a hwyluso gwerthusiad cyfoedion yn y Gwasanaethau Cerdd.
Gwasanaethau Cerdd